



册府元龜
卷之九百六十一
至六十三



13
849
309



849
309



册府元龜

淮南李嗣京參閱

西極文翔鳳訂正

豫章黃國琦較釋

外臣部 六

土風第三

天竺國一名身毒在月氏東南數千里俗與月氏同
而卑溼暑熱其國臨大水乘象而戰其人弱於月氏
修浮圖道不殺伐遂以成俗浮圖佛也土出象犀瑇瑁金
銀銅鐵鉛錫西與大秦通有大秦珍物又細布好氍

氐諸香石蜜胡椒薑黑鹽一說其俗佛道所興也人
民敦龐土地饒沃其王號茂論所都城郭水泉分流
繞于渠塹下注江其宮殿皆雕文鏤刻街曲市里屋
舍樓觀鐘鼓音樂服飾香華水陸通流百賈交會奇
玩珍偉恣心所欲左右喜維舍衛葉波等十六大國
去天竺或二千里共尊奉之以爲在天地之中也
南天竺國有伏醜城出摩尼珠珊瑚城東有拔賴城
出黃金白旃檀石蜜葡萄土宜五穀中天竺國其俗
土著與月支同而地卑溼暑熱稻歲四熟苗甚長茂
沒於馳馬出獅子豹狸橐駝犀象有火齊如雲母而

色紫精者薄如蟬翼焉有金剛似紫石英百鍊不銷
可以切玉又有旃檀鬱金等香茸蔗諸果出石蜜黑
鹽通於大秦致其實或至扶南交趾貿易焉俗無簿
籍以龜貝爲貨尤能习化禁呪或能呪龍以致雲雨
丈夫致敬極者舐足摩踵而致其辭家有奇樂倡伎
其王與大臣多服錦罽王爲螺髻於頂餘髮剪之使
拳大夫剪髮穿耳垂瑠或以金龍懸於耳耳緩者爲
上俗皆徙跣衣重白色婦人以金銀真珠瓔珞挂頭
項死者或焚屍取灰以爲浮圖或委之中野以施禽
獸或流之於河以餉魚鼈無服制之差喪紀之數謀

反者幽殺之小犯罰錢贖罪不孝則斷手削足截耳
割鼻放流邊外其人柔弱怯於戰鬪有弓箭甲稍亦
有飛梯地道水牛馬之法有文字善天文筭曆之術
人皆學悉曇章云是梵天法書於貝多樹葉以記事
然尤修浮圖道不殺生飲酒修戒數百持信盟晉國
中律徃有佛舊迹存焉

康居國在天竺東南三千里其土氣物類與天竺同
男女皆長八尺而怯弱乘象駱駝徃來隣國有寇乘
象以戰

粟戈國屬康居出名馬牛羊葡萄酒衆果其土水美故

葡萄酒特有名焉

巖國有菴蔡北屬康居出鼠皮以輸之

阿蘭聊國

前漢菴蔡國也

地屬康居士氣溫和多楨松白草

民俗衣服與康居同

蒲類國居天山西疏榆谷廬帳而居逐水草頗知田
作畜有牛馬駱駝羊能作弓矢出好馬

穆支國居蒲類地其人勇猛敢戰以寇抄爲事皆被
髮隨畜逐水草不知田作所出皆與蒲類同

東且彌國其俗廬帳居逐水草頗知田作其所出亦
與蒲類同所居無嘗

白馬氏地險阻有麻田出名馬牛羊漆審氏人勇戇
抵冒貪貨死利居於河池一名仇池方百頃四面斗

絕

仇池山在今成州上祿縣南仇池縣界本名仇維
山上有池故曰仇池山在倉維二谷之間嘗為水

所衝激故下石而上土形似覆盂仇池記曰仇池丁
頃周回九千四百步天形四方壁立千仞自然樓櫓
郤敵分置調均竦起數丈有踰人工仇池凡二十三
道可手緣而上東西二門盤道下至上凡有七里上
則岡阜低昂泉流交灌郡鄣道元注水經云羊腸
盤道三十六回開山圖謂之仇夷所謂積石嵯峩歛
岑隱阿者也上有平田百頃數為邊寇郡縣討之則
煖土成鹽因以百頃為號也依固自守無貴賤皆為板屋土墻所治處名格谷蠻
俗衣布徒跣或推髻或剪髮兵器以金銀為飾虎皮
衣楯便弩射皆暴悍好寇賊焉

滑國車師之別種也土地溫暖多山川樹木五穀國
人以麩及羊肉為糧其獸有獅子兩脚駱駝野驢有
角人皆善騎射着小袖長身袍用金玉為帶女人被
裘頭上刻木為角長六人以金銀飾之少女子兄弟
在妻無城郭氈屋為居東向開戶其王坐金牀隨大
歲轉與妻並坐接客無文字以木為契與旁國胡為
胡書革皮為紙無職官事天神火神每日則出戶祀
神而後食其跪一拜而起葬以木為槨父母死其子
截一耳葬訖即吉其言語待河南人譯然後通
古柯國胡密丹國檀國皆滑旁小國也衣服容貌皆

與滑同

白題國在滑國東去滑六日行西極波斯土地出粟麥瓜果食物畧與滑同

烏長國在中天竺南一名烏伎那百姓殷實人性慳弱頗詭詐尤攻禁呪之術篤信佛法言語文字禮義法式畧同天竺而弗之及也一說多解天文吉凶之數其王動則訪決焉上多林果引水灌田豆稻麥事佛多諸寺塔事極華麗人有爭訴服之以藥曲者發狂直者無恙爲法不殺犯死者唯徙於靈山西南有檀特山山上立寺以驢數頭運食山下無人控抑自

知往來

乾陁國在烏長西本各業波有鬪象七百頭十人乘一象皆執兵仗象鼻縛刀以戰

獅子國天竺旁國也其地和適無冬夏之異五穀隨人所種不須時節國中有王以一善化人其樓閣皆以七寶裝晃耀街巷人衆熾盛每於晨朝警鼓曉群迷尚勸念佛破諸衆生無明黑闇嘗說空理離於物外以清淨學道爲務不著於聲不著於香無量得道之處一說在西海之中延袤二千餘里多出奇寶本鬼神居之商人到則不見但置寶物價於洲上商人

依價買之而去其後鄰國人居之能馴養獅子遂以各國風俗與婆羅門同而尤敬佛法

吐谷渾在青海西其國西有黃沙洲南北一百二十里東西七十里不生草木沙洲因此爲號屈真川有鹽地其谷嶺北有雀鼠同穴或在山嶺或在平地雀色白鼠色黃地生黃紫花草便有雀鼠穴

白蘭土出黃金銅鐵其國雖隨水草大抵治慕賀川以肉酪爲糧頗識文字其男子通服長裙帽或戴纍離婦人以金花爲首飾辮髮縈後綴以珠貝其婚姻富家厚出聘財竊女而去父卒妻其群母兄亡妻其

諸嫂喪服制葬訖而除國無嘗稅調用不給輒歛富室商人取足而止殺人及盜馬者罪至死他犯則徵物以贖地宜大麥而多蔓菁頗有菽粟出蜀馬羆牛西北有流沙數百里夏日有熱風爲行旅之患風之所至唯老駝豫知之卽鳴而聚立埋其口鼻於沙中人每以爲候卽將氈擁蔽鼻口其風迅駛斯頃過盡若不防者必致危斃

党項羗三苗之後東接臨洮西平西拒葉護處山谷間其俗服裘褐被氈以爲上飾俗尚武力無法令各爲生業有戰陣則相屯聚無徭賦不相往來牧養羆

牛羊猪以供食不知稼穡其俗淫穢烝報於諸夷中
最爲甚無文字但候草木以記歲時三年一聚會殺
牛羊以祭天人年八十以上死者以爲令終親戚不
哭少而死者則云天札共悲哭之有琵琶橫吹擊缶
爲節

高昌國蓋車師之故地也南接河東連燉煌西次龜
茲北鄰勃勒置四十六鎮交河田地高寧臨川橫截
柳婆滂林新興繇寧始昌篤進白刀等皆其鎮名國
人言語與中國畧同有五經歷代史諸子集面類高
麗辮髮垂之於背着長身小袖袍縵襜袴女子頭髮

辮而不垂著錦纈瓔珞環釧婚姻有六禮其地高燥
築土爲城架木爲屋土覆其上寒暑與益州相似備
植九穀人多噉麩及牛羊肉出良馬葡萄酒石鹽多
草木草實如繭繭中絲如細纒名爲白氈子國人多
取織以爲布甚軟白交市用焉有朝烏者旦旦集王
殿前爲行不畏人日出然後散去一說男子胡服婦
人裙襦頭上作髻其風俗政令與華夏畧同地多磧
氣候溫暖穀麥再熟宜蠶多五果有草名爲羊刺其
上生蜜而味甚佳出赤鹽如朱白鹽如玉多葡萄酒
俗事天神兼信佛法國中羊馬牧於隱僻之處以避

外寇非貴人不知其所北有赤石山山北七十里有
貪汗山下有積雪此山之北鐵勒界也從武威西北
有捷路渡沙磧千餘里四面茫然無有蹊逕欲往者
尋有人蓄骸骨而去路中或聞歌哭之聲行人尋之
多致亡失蓋魍魎魍魎也故商客往來多取伊吾路
康國者康居之後遷徙不常其地有胡律置於祆祠
決罰則取而斷之重罪者族次重者死賊盜截其足
人皆深目高鼻多鬚髯有大小鼓琵琶五絃箏篪笛
婚姻喪制與突厥同國立祖廟以六月祭之諸侯皆
來助祭俗奉佛爲胡書氣候溫宜五穀勤修園蔬樹

木滋茂出馬駝驢封牛黃金鍔沙貳香阿薩那香瑟
琴麀皮毼氍錦氍多葡萄酒富家或致千石連年不
敗丈夫剪髮或辮髮其王冠氍帽飾以金寶婦人盤
髻幪以皂巾飾以金花人多嗜酒好歌舞於道路生
子必以石蜜內口中以膠置掌內欲其成長口嘗其
言持錢如膠之黏物俗習胡書善商賈爭分銖之利
男子年二十卽遠之傍國來適中夏利之所在無所
不到以十二月爲歲首有婆羅門爲其占星候氣以
定吉凶頗有佛法至十一月鼓舞乞寒以水相潑盛
爲戲樂

似盤國與康國隣出好馬

瑟匿國北接石國其俗不好商賈風俗並畧與康國同焉

安國風俗同於康國唯妻其姊妹及母子遮相禽獸此爲異也

石國其俗正月六日七月十五日以王父母燒餘之骨金瓮盛之置于牀上巡遶而行散以花香雜果王率臣下設祭焉禮終王與夫人出就別帳臣下以次列坐享宴而罷有粟麥多良馬其俗善戰

女國在葱嶺之南以女爲王每居層樓侍女數百王

日一聽政其王死若無女嗣位國人請斂金錢得數百萬還死王之族買女而立之其地五男三女俗貴女子賤丈夫婦人爲吏職男子爲士女子貴者則多有侍男男子不得有侍女雖賤庶之女盡爲家長猶有數夫焉生子皆從母姓男子被髮以青綠塗面婦人辮髮而縈之以皮爲鞋課稅無嘗氣候多寒以狩獵爲業出鎗石朱砂麝香犛牛駿馬蜀馬尤多鹽嘗將鹽向天竺輿販其利數倍

鏐汗國古渠搜國也其王坐金羊牀妻戴金花俗多朱砂金鐵

吐火羅國在葱嶺西與緝怛雜居勝兵共五萬其國
 土多男子少婦人故兄弟通室婦人五夫則角飾戴
 五角十夫則戴十角男子無兄弟者則與他人結為
 昆季方始得妻不然者終身無婦矣被服文字與于
 闐畧同城北有屋數頗梨山南崖穴中有神馬國人
 每牧牝馬於其側時產名駒皆汗血多善馬有屋宇
 雜以穹廬著小袖袍小口袴大頭長裙帽女子被髮
 為辮其地與益州陞嘗通同商賈民慕其利多往從
 之教其書記為之辭譯稍祭黠矣一說多畜逐水草
 無城郭後稍為宮 人民猶以氈廬百子帳為行

屋地嘗風寒人行平沙中沙礫飛起行迹皆滅肥地
 則有雀鼠同穴生黃紫花瘦地輒有瘴氣使人斷氣
 牛馬得之疲汗不能行

宕昌國在河南國東本西羌種也俗皆土著居有棟
 宇其屋織毳牛尾及殺羊毛覆之國無法令又無徭
 賦唯征伐之時乃相成聚不然則各生業不相往來
 皆衣裘褐牧養羴牛羊豕以供其食父子伯叔兄弟
 死者卽以其繼母世叔母及兄弟婦子婦為妻俗無
 文字但候草木榮落以記歲時三年一聚殺牛羊以
 祭天

鄧至國居西涼州界羌別種也其俗呼帽曰突何其衣服與宕昌同

武興國本仇池其國東連秦嶺西接宕昌去宕昌八百里南去漢中四百里北去岐州三百里去長安九百里本有十萬戶世世分減其大姓有符氏姜氏言語與中國同著烏皂突騎帽長身小袖袍小口袴皮鞞地植九穀婚姻備六禮知書疏種桑麻出綉絹精紉漆蠟椒等山出銅鐵

西戎踈勒國在姑墨西白山之南百餘里漢時舊國也其王戴金飾子冠土多稻粟麻麥銅鐵錦綿人手足皆六指產子非六指者即不育俗事祇神有胡書

文字

者至拔國在踈勒西其國東有潘賀那山出美鐵及獅子

悉蜜國在者至西其國東有山名郁悉蒲山出金玉多鐵
悉萬斤國在悉蜜西其國南有山名伽邑那山出獅子

吐呼羅國在悉萬斤東土宜五穀有好馬駝騾伽不單國在悉萬斤西北土平宜稻麥有五果

色知顯國在悉萬斤西北土平多果

伽色尼國在悉萬斤南土出赤鹽多五果

薄伽國在伽色尼南多五果

牟知國在忸密西南忸密無上風土平禽獸草木類中國

諾色波羅國在忸密南土平宜稻麥多五果韋伽

旱伽至國在忸密西平土少田殖取稻麥於隣國有

五果

阿佛大汗國在忸密西土平多五果

呼似密國在阿佛大汗西土平出銀琥珀有獅子多

五果

疊伏羅國有勿悉城城北有鹽奇水西流有白象并

有阿未黎波波中織作布土宜五穀

技豆國出金銀雜寶白象水牛羆牛葡萄五果

副貨國在沒隨國東沒隨無土風宜五穀葡萄唯有馬馳

騾

波斯國大月氏之別種都宿利城其王姓波斯氏坐

金羊牀戴金花冠衣錦袍織成帔飾以真珠寶物其

俗丈夫剪髮戴白皮帽貫頭衫兩廂延下關之并有

巾帔綠以織成婦人服大衫披大帽帔其髮前為髻

後被之飾以金花仍貫五色珠絡之於膊王於其國

內別有小牙十餘所猶中國之離宮也每年四月出遊處之十月乃還王卽位以後擇諸子納賢者審書其名封之於庫諸子及大臣皆莫之知也王死乃衆共發書視之其封內有名者卽以爲王餘子各出就邊任兄弟更不相見也兵器有甲稍團排劍弩弓箭戰並乘象百人隨之其刑法重罪懸諸竿上射而殺之次則繫獄新王立乃釋之輕罪則劓刑若髡或剪半鬢及繫排於項以爲耻辱犯強盜者禁之終身姦貴人妻者男子流婦人割其耳鼻賦稅准地輸銀錢俗事火天神婚合亦不擇尊卑諸夷之中最爲醜穢

矣民女年十歲以上有姿貌者王收養之有功勳人卽分賜死者多棄屍於山一月治服城外有人別居唯知喪葬之事號爲不淨人若入城市搖鈴自別以六月爲歲首尤重七月十七日十二月一日民庶以上各相命召設會作樂以極歡娛又以每年正月二十日各祭其先者氣候暑熱家自藏冰地多沙磧引水漑灌其五穀及禽獸等與中夏畧同唯無稻及黍秫土出名馬及駝富室至有數千頭者又出白象獅子大鳥卵真珠玻璃珊瑚琥珀瑠璃瑪瑙水精瑟琴金銀礪石金剛火齊鎖鐵銅錫朱砂銀綾錦氈氍毹

氈毳玄麀皮及薰陸鬱金蘇合青木香等胡椒畢撥
石蜜千年棗香附子訶梨勒無食子鹽綠雌黃等物
一說西去城十五里有土山山中有鷲鳥噉羊土人
極以爲患國中有優鉢曇華鮮華可愛出龍駒馬鹹
地生珊瑚樹長一二尺亦有琥珀瑪瑙真珠玫瑰等
國內不以爲珍市買用金銀婚姻法下聘訖女婿將
數十人迎婦背着金線錦袍師子錦袴戴天冠婦亦如
之婦兄弟便來捉手付託夫婦之禮於茲永畢
伏盧尼國在波斯國北東有大河南流中有鳥其形
似人亦有如橐駝馬者皆有翼嘗君水中出水便死

城北有云尼山出銀珊瑚琥珀多獅子

附國在党項西南數千里重罪者死輕罪者罰牛人
皆輕捷便擊劔漆皮爲牟甲弓長六尺以竹爲弦妻
其群母及嫂兒弟死父兄亦納其妻好歌舞鼓簧吹
長笛有死者無服制置屍高牀之上沐浴衣服被以
牟甲覆以獸皮子孫不哭帶甲舞劔而呼云我父爲
鬼所取我欲報寃殺鬼自餘親戚哭三聲而止婦人
哭必以兩手掩面死家殺牛親屬以猪酒相遺共飲
噉而瘞之死後十年而火葬其葬必集親賓殺馬動
至數十匹立其祖父神而事之其俗以皮爲帽形圓

如鉢或戴幕離衣多毛毼皮裘全剥牛脚皮爲靴項
繫鐵鑲手貫鐵釧王與酋帥金爲首飾胷前懸一金
花徑三寸其土高氣候涼多風少雨土宜小麥青科
山出金銀多白雉水有嘉魚長四尺而鱗細

朱俱波國在葱嶺北二百里漢之舊地也其俗盛崇
佛法文字同於婆門

吐蕃國本漢西羌之地雷雨風雹霰雪每隔日有之
夏節氣如中土暮春之月山有積雪其草細不過三
寸牛馬皆食之地有冷瘴令人氣急不甚爲害其俗
重漢繒而貴男女用爲首飾而白蘭等並臣焉其君

長或居跋布川或居邏些有小城而不居坐大氍毹
連帳張大下廬其拂可坐數百人兵衛極嚴而衙府
甚狹西南通泥婆羅門國卑實茲焉其百姓皆居小
拂廬而無分別俗養牛羊取乳酪用供食兼取毛爲
褐雨衣焉不食驢馬肉以麥爲麪家不全給人死殺
牛馬以殉取牛馬頭周壘於墓上其墓正方累石爲
之狀若平頭屋焉其臣與君自爲友號曰共命人其
數不過五人君死之日共命人皆日夜縱酒葬日於
脚下針血盡乃死便以殉葬復有親信人用刀當腦
縱鋸或有將四尺木大如指刺兩肋下死者十有四

五亦殉葬焉其設官父死子代絕嗣近則親襲焉非其種類輒不相伏大畧其冠章飾有五等一謂瑟瑟二謂金三謂金飾銀上四謂銀五謂熟銅各以方圓三寸褐上裝之安膊前以別貴賤其戰必下馬列行陣死則遞收之終不肯退槍細而長於漢者弓矢弱堅人皆用劍不戰負劍而行俗重戰死戰死者其墓周迴白土泥之不與諸墓連接其驛以鐵箭爲契其箭長七寸若急驛膊前加著一銀鵲更急其鵲至十二三每驛百餘里隨水草而居不嘗厥所有草各蓮台苦葉長二寸狀若斜蒿每莖不過三四葉其莖蔓

其花黃其根連珠如麥門冬味辭性微冷有鼠尾長於嘗鼠每三二十同一穴至秋後衆鼠收此草根爲藏多者至數石俗嘗掘草根而食而留給鼠糧其國禁殺鼠殺鼠者輒加其罪俗亦愛而不殺有鹿服泉諸山川亦遍出泉其泉口大者丈餘小者一二尺水深尺餘其馬歷泉口行止之身不失脚與漢戰輒引入此地漢馬顛躓因而敗績有青海去城五百里周迴四百里傍土平沃多楡麥在吐谷渾西南其春夏軍糧資海魚以給有可跋海去亦嶺百里方周七百里水苦不可飲有羴牛河闊一里岸峻流入蠻西洱

河合流東號爲漾臭水又東南出會川爲瀘水焉有藏河去邈些三百里東南流衆水湊焉南入崑崙國其中有魚似鱗而無鱗州渚法之有水柳及攝木生焉其流不急自赤嶺至邈些川無樹木唯鉢川三十里緣山有栝樹邈些川三百里有柳栝樹酸棗等皆蟠屈不條茂有雪厚三尺周迴三十里山下有水湧其俗云山下有人君未嘗輒見有錄河去長安五千里其水有石號曰溫湯其石狀如肝方圓數尺河水冷石面有穴六寸湯水湧出其中流入河其石熱其湯沸輒不可近所留處各並爛湯中有蟲東如馬尾

色赤長半寸有鵲莽山去長安六千里餘其國因險而爲防焉其山西八里狀若三峽其中水流聲若雷霆人語不相聞其山遠而望之色黃而白無草木兩岸有石壁一處瀑流自山顛飛下可百餘尺激一縣石似飄粉焉其俗刻木結繩其兵以金爲鍔寇至舉烽而應之重戰沒者爲甲門奔敗者加狐尾于首以示終身之耻自其王棄宋弄贊唐太宗貞觀後吞併諸蕃地方千里每十節度置一上相統之自號吐蕃爲寶髻爵位則以寶珠大瑟瑟小瑟瑟大銀小銀大礪石小礪石大銅小銅等爲告身以別高下重君臣

之義輕父子之道用政嚴酷人無敢違事無大小必
 出於宰相便宜從事故國風大理而飲酒者不得及
 亂女子無敢于政然緇徒之間或有專柄者好呪誓
 而多疑忌敬信釋氏誦鬼神貴壯賤老倨父傲母惟
 以泮礪為業罕務耕耘不喜病疾尤惡瘡疔出疆之
 費亦無定給而臨陣所得便為已有所以戰伐吞併
 徃必成功

北狄匈奴居于北邊隨草畜牧而轉移其畜之所多

則牛馬羊其奇畜則橐駝驢羸馱騊駼驢驘

馱駞馬類生北海驛奚馱驢類也駝音從何馱音馱馬逐水草

遷徙無城郭嘗居耘田之業然亦各有分地

無文書以言語為約束兒能騎羊引弓射鳥鼠

能少長則射狐兔肉食言無米粟士力能彎

弓盡為甲騎其俗寬則隨畜因射獵禽獸為生業急

則人習戰攻以侵伐人人皆習之其天性也其長兵則弓

矢短兵則刀鋌音蟬鐵把小矛利則進不利則退不羞遁走

苟利所在不知禮義自居王以下咸食畜肉衣其皮

革被旃裘壯者食肥美老者飲食其餘貴壯健賤老

弱父死妻其後母兄弟死皆取其妻妻之其俗有名

不諱而無字歲正月諸長少會單于庭禱五月大龍

城祭其先天地鬼神秋馬肥大會蹠林課較人畜計

蹠音帶繞林木而祭也鮮卑之俗自古相傳秋冬之祭無林木者尚堅柳枝衆騎祭遶三周乃止此其遺

法計者人畜之數其法拔及尺者死坐盜者沒入其家有罪

小者軌也軌音於點地切轆音女展切大者死獄

久者不滿十日一國之囚不過數人而單于朝出營

拜日之始生夕拜月其坐長左而北向左者以日為尊

皮已其送死有棺柳金銀衣裳而無封樹喪服近幸

臣妾從死者多至數十百人或數十人或百人舉事嘗隨月

盛壯以致戰月虧則退兵其攻戰斬首虜賜一卮酒

而所鹵得獲而以子之得人以為奴婢故其戰人人

自為趨利趨讀曰趨趨向也善為誘兵以包敵包景取之故其逐

利如鳥之集其困敗瓦解雲散矣戰而扶舉死者盡

得死者家財

烏桓國本東胡也俗善騎射弋獵禽獸為事隨水草

放牧居無嘗處以穹廬為舍東開向日食肉飲酪以

毛毳為衣毛之縹細者為毳貴少而賤老其性悍塞悍負也塞謂不

開怒則殺父兄而終不害其母以母有族類父兄無

相仇報故也有勇健能理決鬪訟者推為大人無世

業相繼邑落各有小帥數百千落自為一部大人有

所招呼則刻木為信雖無文字而部衆不敢違犯氏

姓無嘗以大人健者名字為姓大人以下各自畜牧

營產不相徃役其嫁娶則先畧女通情不以道娶為畧或半

歲百日然後送牛馬羊畜以為聘幣婿隨妻還妻家

無尊卑旦旦拜之而不拜其父母為妻家僕役一二

年間妻家乃厚遣送女居處財物一皆為辦其俗妻

後母報寡嫂死則歸其故夫計謀從用婦人唯鬪戰

之事乃自決之父子男女相對踞蹲以髡頭為輕便

婦人至嫁時乃養髮分為髻著句决飾以金碧猶中

國有箇步搖箇音吉海切或為幘婦人首飾也皇后首飾有垂珠步則搖之婦人能

刺韋作文繡織氎氎氎音力干切男女能作弓矢鞍

勒鍛金鐵為兵器其土地宜稌及東稽東稽似蓬草

寔如稌子至十月而熟見禽獸孕乳以別四節俗貴

兵死斂屍以棺有哭泣之哀至葬則敬舞相送肥養

一犬以綵纓牽并取死者所乘馬衣服皆燒而送之

言以屬累音蜀類猶付託也大使護死者神靈歸赤山赤山

在遼東西北數千里如中國人死者魂神歸岱山也

敬鬼神祠天地日月星辰山川及先大人有建名者

祠用牛羊畢皆燒之其約法違大名言者罪至死若

相賊殺者令部落自相報不止詣大人告之聽出馬

牛羊以贖死其自殺父兄則無罪若亡畔為大人所

捕者邑落不得受之皆徙逐於雍狂之地地無山有
沙漠流水草木多蝮蛇

鮮卑者東胡之支也其言語習俗與烏桓同唯婚姻

先髡頭以季春月大會於饒樂水上在今營州北飲宴畢

然後配合又禽獸異於中國者野馬羴羊角端牛以

角為弓俗之角端弓者羴羊似吳羊而大角出西方又有貂貂鼪

子皮毛柔輿貂音女骨切鼪音胡良切輿故天下以

為名裘

突厥世居金山其俗畜物為事兵器有弓矢鳴鏑甲

稍刀劍其佩則兼有伏突旗纛之上施金狼頭侍衛

之士謂之附離夏言亦狼也蓋本狼生志不忘舊其

徵發兵馬及科稅雜畜輒刻木為數并一金鏃箭蠟

封印之為俗契其刑法反叛殺人及姦人之婦盜馬

絆者皆死奸人女者重責財物即以其女妻之鬪傷

人者隨輕重輸物盜馬及財物者各十餘倍徵之死

者停屍於帳子孫及諸親屬男女各殺羊馬陳於帳

前祭之繞帳走馬七匝一詣帳門以刀斲面且哭血

淚俱流如此者七度乃止擇日取亡者所乘馬及經

服用之物并屍俱焚之收其餘灰待時而葬春夏死

者候草木黃落秋冬死者候華葉榮茂然始坎而瘞

之塋之日親屬設祭及走馬勢面如初死之儀葬訖於墓所立石建標其石多少依平生所殺人數以祭之羊馬頭盡懸挂於標上是日也男子咸盛服飾會於葬所男有悅愛於女者歸卽遣人聘問父母多不違也父兄伯叔死者子弟及姪等妻其後母世母母嫂唯尊者不得下淫雖管而各有地分可汗嘗處於都斤山牙帳東開蓋敬日之所出也每歲率諸貴人祭其先密以五月中旬集他人水拜祭天神於都斤西五百里有高山廻出上無草木謂爲勃外凝黎夏言地神也其書字頗胡而不知年曆唯以草青爲記

其主初立近侍重臣等與之以氈隨日轉九廻每一廻臣下皆拜訖乃扶令乘馬以帛絞其頸使纒不至絕然後釋而急問之曰你能作幾年可汗其主旣神情替亂不能詳定多少臣下等隨其所言以驗短修之數一說男女好樗蒲女子蹴鞠飲馬酪取醉歌呼相對敬鬼神信巫覡重兵死而耻病終大抵與匈奴同俗

西突厥居無嘗處多在烏孫故地其俗每五月八月相聚祭神歲遣重臣向其先世所居之窟致祭焉襲胡一曰步落襲蓋匈奴之別種其俗土赤知種田

地少桑蠶多衣麻布其丈夫衣服及葬殯與中夏畧同婦人則多貫蜃貝以爲耳頸飾又與華民錯居其渠帥頗識文字然語類夷狄因譯乃通蹲踞無禮貪而忍害俗好淫穢處女尤甚將嫁之夕方與淫者叙離夫民間之以多爲貴既嫁之後頗有防閑有犯奸者隨事懲罰又兄弟死者納其妻雖分統部郡縣列於編戶然輕其徭賦有異齊民山谷阻深者又未盡役屬而凶悍恃險數爲寇亂

駃馬國其地在突厥之北漸近北海土地嚴寒至冬積雪樹木不沒者一二尺比暖雪消以馬犁種取魚鹿獺貂灰鼠等肉充食以其皮爲衣少鐵器用陶瓦土及樺木根爲盤盥隨水草而居累木似井闌樺皮蓋以爲屋土牀草蓐而寢處之草盡則移居無定所馬色並駮故以爲各一說舉國悉留駮駮馬不乘但取其湮酪充食而已因山而居與結骨不敦相侵伐貌類結骨而言語不通其俗隨逐水草無王立小君長以聽焉

結骨部在駮馬國南其人並依水而居身悉長大赤髮綠睛有黑髮者以爲不祥人皆勁勇鄰國憚之其俗大率與突厥同而婚姻無財聘性多淫佚與外人

通者不忌其壻死葬喪乃斃其面火葬收其骨踰年而爲墳墓有哭泣之禮冬以木爲室覆以木皮土宜粟麥稌豆之屬無果菜有馬出貂天每雨鐵收而用之以爲刀劍甚銛別其國獵鬼皆乘木馬升降山險追赴若飛

鹽漠念咄六闕俟斤部落及史檐部落並在駿馬東其兩部土多松華每年稅貂獺青白三鼠皮以爲貢賦

流鬼國邊於北海多沮澤有魚鹽之利地氣沍寒早霜雪每堅冰之後以木廣六尺長七尺施系其上以踐層冰逐其走獸俗多狗以其皮毛爲裘褐

拔野古在僕骨東其地豐草人皆殷富土多霜雪東北一千里曰康千河有松木一二年乃化爲石其色青有國人皆居住其人謂之康千石爲石以後仍松文人皆著木腳冰上逐鹿以耕種射獵爲業國多好馬又出鐵風俗與鐵勒同而言語稍別焉

鞠國在拔野古東北有樹無草但有地苔無羊馬家畜有鹿如中國牛馬使鹿牽車可勝三四人衣鹿皮食地苔其人取木枝爲屋尊卑共居其中

俞折國在鞠國東土地廣大百姓衆多風俗與拔野

古同少牛馬地多貂鼠

大漢國在鞠國北地饒羊馬其人極長大長者至一丈三四尺

芮國亦名芮芮國無城郭隨水草畜牧以穹廬爲居辮髮衣錦小袖袍小口袴深雍鞞其地苦寒七月流澌亘河國人能以術祭大而致風雪前對皎日後則泥濼橫流故其戰敗莫能追及或於中夏爲之則曠而不雨間其故蓋以懦云

鐵勒匈奴之苗裔無君長分屬東西兩突厥居無嘗所隨水草移人性凶忍善於騎射貪婪尤甚以寇抄爲生近西邊者頗爲藝植多牛羊而少馬其俗大抵與突厥同唯丈夫婚畢便就妻家待產乳男女然後歸舍死者埋殯之此其異也

奚本名庫莫俗甚爲不潔而善射獵好爲寇鈔每與契丹相攻擊虜獲財畜因而得賞死者以葦薄裹尸懸之樹上風俗同於突厥每隨逐水草以畜牧爲業遷徙無嘗居有氈帳兼用車爲營牙中嘗五百人持兵自衛此外部落皆散居山谷無賦稅

契丹之先與庫莫奚異種而同類居黃龍之北數百里其俗與靺鞨同好爲寇盜父母死而悲哭者以爲

不壯但以其屍置於山樹之上經三年之後乃收其骨而焚之因斟而祝曰冬月特向陽食若我射獵時時使我多得諸鹿其無禮頑嚚於諸夷最甚

南室韋契丹別部也在契丹北三千里土地卑溼至夏則移向西北貸勃欠對二山多草木饒禽獸又多蚊蚋人皆巢居以避其患俗丈夫皆被髮婦女盤髮衣服與契丹同乘牛車遶條爲屋如突厥氈車之狀渡水則束薪爲筏或有以皮爲舟者馬則織草爲韉結繩爲轡寢則屈木爲屋以遶條覆上移則載行以猪皮爲席婦人抱膝而坐氣候多寒田收甚薄無羊

少馬多猪牛造酒食噉與靺鞨同俗婚嫁之法二家相許聲輒盜婦將去然後送牛馬爲聘更將婦家待有娠乃相隨還舍婦人不再嫁以爲死人之妻難以共居部落共爲大棚人死則置屍其上居喪三年唯四哭其國無鐵取給於高麗多貂兵器有弓楛矢尤善射時聚弋獵事畢而散其人土著無賦歛或爲小室以皮覆上相聚而居至數十百家剡木爲梨不加金刃人牽以種不解用牛夏多霧雨冬多霜霰畜宜犬豕養豢而噉之其皮用以爲韋男子女人通以爲服被髮左衽其家富者項著五色雜珠婚嫁之法男

先就女舍三年役力因得親迎其婦役日既滿女家分其財物夫婦同車而載鼓舞共歸

北室韋亦契丹別部也氣候最寒雪深沒馬冬則入山居土穴中牛畜多凍死饒麀鹿射獵爲務食肉衣皮鑿冰沒水中而網射魚鼈地多積雪懼陷坑竄騎木而行俗皆捕貂爲業冠以狐貉衣以魚皮

霽匈奴之別種亦鮮卑故地也人多善射獵好以赤皮爲衣綠婦人貴銅釧衣襟上下懸小銅鈴風俗畧與契丹同

洺陔突厥在茸州習俗左老右壯溷雜男女畧與吐

藩同其悍捷便弓馬勝之

昆彌國土地宜稻其俗辮髮左衽被服與突厥畧同相傳云匈奴本兄弟之國也隨逐水草夏居山冬入深谷俗尚戰惡

疾終都播者鐵勒之別種也其俗結草爲廬無牛羊不知稼穡土多百合草取其根以爲糧

骨利幹居廻紇瀚海之北草多百合地出名馬其馬頭類橐駝筋骨麓壯好者日行四百里其國北又距大海晝長而夕短日沒後天色正曛煖一羊脾纔熟而東方曙蓋近日出入之處也掃刺部落本在琵琶

川幽州東北數百里出古北口是焉地宜羊馬羊則
純黑馬趨前蹄堅善走以狩獵為務逐獸高山自上
而下弓弧縱商其勢若飛鮮有覆壓
鬼田國在駁馬國西夜遊晝隱以鹿皮為衣服鼻耳
與中國人同口在頂上土無米粟噉鹿及蛇

冊府元龜

淮南李嗣京叅閱

西極文翔鳳訂正

豫章黃國琦較釋

外臣部 七

官號

才智

賢行

官號

夫明王慎德四夷咸賓乃有欵塞稱藩厥角諸吏奉
琛修貢解辯嚮化繇是典客之職通譯其言執簡之
史詳記其俗故其妃匹之號官稱之品負秩之命數

典司之位局或咸得書於載籍而藏之祕閣焉觀夫疆域殊峙風軌異化種族之制匪一等威之辨不同仲尼所謂夷狄之有君蓋與夫雲官鳥紀之說戾矣東夷扶餘國以六畜名官有馬加牛加狗加其邑落皆主屬諸加高句驪國後漢時其國置官有相加對盧沛者古鄒大加古鄒大加高驪掌賓客之官如大鴻臚也主簿優台使者帛衣先人一說大官有大對盧次有太太兄大兄小兄意俟奢烏拙太大使者小使者褥奢翳屬仙人并褥薩凡十三等復有內評外評分掌内外事焉其大對盧則以強弱相凌奪而自為之不繇王之署置也

百濟國其王妻號於陸

夏言死也

官有十六品長曰左平

五人一品次大率三十人二品

一作達率

次恩率三品次

德率四品次并率五品次奈率六品以上次將德士

品服紫帶次施德八品皂帶次固德九品赤帶次季

德十品青帶次對德十一品文督十二品皆黃帶次

武督十三品次佐軍十四品次振武十五品次克虞

十六品

一作喪虞

皆白帶其冠制並同准奈率已上飾以

銀花自恩率以下官無嘗負各有部刃部功德部藥

部本部法部後宮部外有司軍部司徒部司空部外

舍綱部日官部長吏三年一交代畿內有五部部有

五巷人居焉部統兵五百人五方各有領一人以達率為之方佐二之方有十郡有將三人以德率為之統兵一千二百人以下七百人以上又內官曰內臣佐平掌宣納事內頭佐平掌庫藏事內法佐平掌禮儀事衛士佐平掌宿衛兵事朝廷佐平掌刑獄事兵官佐平掌在外兵馬事

新羅國其官有十七等其一曰伊哥干貴如相國次伊尺干次破彌干次大阿尺干次阿干次阿尺干次乙吉干次沙咄干次及伏干次大奈摩干次大舍次小舍次吉士次大鳥次小鳥次造位外有郡縣後唐同光

初其王金朴英遣倉部侍郎金樂錄事參軍金知郾來朝二年又遣朝散大夫倉部侍郎金岳來朝天啟二年遣吏中散大夫兵部侍郎張芬副使兵部郎中朴術法判官倉部員外郎李忠武來朝長興三年遣使執事侍郎金咄副使司賓大卿李儒來朝

日本國其大臣朝臣真人者猶中國戶部尚書倭國其王妻號雞彌没名太子為利歌彌多佛利內官十有二等一曰大德次小德次大仁次小仁次大義次小義次大禮次小禮次大智次小智次大信次小信負無定數有軍尼一百二十人猶中國牧宰八千戶置一伊尼翼如今里長也十伊尼翼屬一軍尼大羊同國有四大臣分掌國事

南蠻林邑國尊官有二其一曰西那婆帝其二曰薩
婆地歌其為官三其一曰倫多性次歌倫帝次乙他
伽蘭外官分為二百餘部其長官曰弗羅次曰可輪
如牧宰之差也

赤土國其官有薩施迦邏一人施迦邏一人施拏達
又二人迦利密迦三人共掌政事俱羅未帝一人掌
刑法每城置那耶迦一人鉢帝十人

真獵國其國有五大臣一曰孤落支二曰高相憑三
曰婆何多陵四曰舍摩陵五曰髻羅婁及諸小臣朝
於王者輒以階下三稽首王喚上階則跪以兩手抱

膊遶王環坐議政事訖跪伏而去

婆利國官曰獨訶耶拏次日獨訶氏拏

琉球國有四五帥統諸洞洞有小王往往有村村有
烏了帥并以善戰者為之自相對立理一村之事

南詔蠻謂王為詔謂相為清平宮凡置六人其酋望
有大將軍之號後唐天成元年嵩州山後爾林百蠻
都鬼主李卑晚羗大鬼主傅能阿花等來朝二年有
轉牒稱督爽大長和國宰相布燮等

西域娒音而遮切羗國漢時其王號去胡來王言去離胡戎來附漢

鄯善國有輔國侯俗胡侯俗音立畧切鄯善都尉擊車師

都尉左右且渠擊車師君各一人譯長二人

臣欽若等按漢

書西域傳凡國五十自譯長君監吏大祿百長

干都尉且渠賞戶將相至侯王皆佩漢印綬

且末國 且音字切 有輔國侯左右將譯長各一人

小宛國有輔國侯左右都尉各一人

精絕國有精絕都尉左右將譯長各一人

戎盧國有輔國侯左右將左右都尉左右騎君各一人驛長二人

于闐國有輔侯左右將左右騎君東西城長譯長各

一人 晉天福三年九月其王李聖文遣殿頭宣旨通使馬繼榮副使黃門將軍張再適人吳順規胡

事舍

皮山國有左右將左右都尉騎君譯長各一人

蒲黎國漢時有侯都尉各一人

大月氏有五翎侯 翎卽翮字 一曰休蜜翁侯二曰雙摩翁

侯三曰貴霜翁侯四曰盼頓翁侯五曰高附翁侯皆

屬大月氏

莎車國有輔國侯左右騎君備西夜君各一人都尉

二人鐸長四人

疏勒國有疏勒侯擊胡輔國侯都尉左右將左右騎

君左右譯長各一人

尉頭國有左右都尉左右騎君各一人

烏孫國王號大昆彌有相大祿大將二人候三人大夫將都尉各一人大監二人大吏一人舍中大吏二人騎君一人

姑墨國有姑墨侯輔國侯都尉左右將左右騎君各一人譯長二人

溫宿國有輔國侯左右將左右都尉左右騎君譯長各一人

龜茲國有大都尉丞輔國侯安國侯擊胡侯卻胡都尉擊車師都尉左右將左右都尉左右騎君左右方輔君各一人東西南北部千長各二人卻胡君三人

譯長四人

烏壘國有城都尉譯長各一人

尉犁國有尉犁侯安世侯左右將左右都尉擊胡君各一人譯長二人

危須國有擊胡侯擊胡都尉左右將左右都尉左右騎君擊胡君譯長各一人

焉耆國有擊胡侯卻胡侯輔國侯左右將左右都尉擊胡左右君擊車師君歸義車師君各一人擊胡都

尉擊胡君各二人譯長三人

烏貪訾離國有輔國保左右都尉各一人

卑陸國有輔侯左右將左右都尉左右譯長各一人
卑陸後王國有輔國侯都尉譯長各一人

都立師國有輔國侯左右都尉譯長各一人

單桓國有輔國侯將左右都尉譯長各一人

蒲類國有輔國侯左右將左右都尉各一人

蒲類後國有輔國侯將左右都尉譯長各一人

西且彌國

且音子余切下同

有西且彌侯左右將左右騎君

各一人

東且彌國有東且彌侯左右都尉各一人

却國有輔國侯都尉譯長各一人

狐胡國有輔國侯左右都尉各一人

山國有輔國侯左右將左右都尉譯長各一人

車師前王國有輔國侯安國侯左右將都尉歸漢都

尉車師君通善君鄉善君各一人

鄉讀曰鄉

譯長一人

波斯國其王曰鑿噴妃曰防步率王之諸子曰殺野

大官有模胡檀掌國內獄訟泥忽汗掌庫藏開禁地

卑掌文書及衆務次有過羅訶地掌王之內事薛波

勃掌四方兵馬其下皆有屬官分統其事

大秦國其王都城分爲五城各方五里王居中城城

置八臣次至四方而王城亦置八臣分至四城若謀

國事及四方有不決者則四城之臣集議王所王且聽之然後施行

女國以女爲主有小女王共知國政女王之夫號曰金聚不知政事

東女國女王號爲賓就有女官曰高霸平議國事在外官遼並男夫爲之

高昌國官有令尹一人比中夏相國次有公三人皆其王子也一爲交河公二爲田地公次有左右衛次有八長史曰吏部祠部庫倉部主客禮部民部兵部等長史也次有達陵江殿中伏波等將軍次有八司

馬長史之副也次有侍郎較郎主簿從事階位相次分掌諸事次有省事掌導引其大事決之於王小事則世子及三公隨狀斷決評章錄記事訖卽除籍書之外無事从掌文案官人雖有列位並無曹府唯每旦集於牙門評議衆事諸城各有戶曹每城遣司馬侍郎監簡較名爲城令

迴紇隨時稱特勒唐貞觀末自號可汗署官號皆如突厥故事開元中有九部落置都督十一人代宗時遣使册命可汗及其妻可敦并封左右殺胡祿都督拔覽將軍内外宰相已下

白狗羗有品籠官五品籠官

吐蕃號其王為贊普置大論小論以統理國事雖有官不嘗厥職臨時統領

北狄匈奴單于者廣大之貌也言其象天單于然也漢時其國置左右賢王左右谷蠡

谷音鹿蠡音盧奚切

將左右大都尉左右大當戶左右骨都侯匈奴謂賢曰屠耆故嘗以太子為左屠耆王自左右賢王以下

至當戶大者萬餘騎小者數千凡二十四長立號曰萬騎其大臣皆世官呼衍氏蘭氏

呼衍即令鮮卑姓呼延者是也蘭姓

今亦其後須卜氏此三姓其貴種也而左右賢王左

右谷蠡取大國左右骨都侯輔政諸二十四長亦各

百置千長百長行長什禪小王

禪音頻稜切

相都尉當戶

且渠之屬

且音子余切相之阻渠姓蓋本因此官

左賢王次左谷蠡王次右賢王次右谷蠡王謂之四

角次左右日逐王次左右溫禺鞮王次左右漸將王

足謂六角皆單于子弟次第當單于者也異姓大臣

左右骨都侯次左右尸逐骨都侯其餘日逐且渠當

戶諸官號各以權力優劣部眾多少為高下次第焉

至晉時其官號有左賢王右賢王左奕蠡王右奕蠡

王左於陸王右於陸王左漸尚王右漸尚王左朔方

王右朔方王左獨鹿王右獨鹿王左顯祿王右顯祿
 王左安樂王右安樂王凡十六等皆用單于親子弟
 也其左賢王最貴唯太子得君之其四姓有呼延氏
 卜氏蘭氏喬氏而呼延氏最貴則有左日逐右日逐
 世為輔相卜氏則有左沮渠右沮渠蘭氏則有左當
 戶右當戶喬氏則有左都候右都候又有車陽沮渠
 餘地諸雜號猶中國百官也
 吐谷渾晉末自稱沙州刺史其官置長史司馬將軍
 魏周之際始稱可汗官有王公僕射尚書及郎中將
 軍之號

鳥桓

亦作左

國有勇

健能理決鬪訟者推為大人無世

業相繼邑落各有小帥數百千落自為一部大人

蠕蠕國千人為軍軍置將一人百人為幢幢置帥一

自稱為可汗其俗君及大臣因其行能即為稱號若

中國立謚既死之後不復追稱

突厥後魏時自稱可汗號其妻為賀可敦其子弟謂
 之特勒別部領兵者謂之設其大官屈律啜次阿波
 次頡利發次吐屯次俟斤其初國貴賤官號凡有十
 等或以形體或以老小或以顏色鬢髮或以酒肉或
 以獸名其勇健者謂之始波羅亦呼為莫賀肅肥鹿

者謂三大羅大羅便酒器也似角而麤短體况似之故以爲號此官特貴唯其子弟爲之謂老爲哥利故有達官謂馬爲賀蘭故賀蘭蘇尼闕蘇尼掌兵之官也謂黑色者爲珂羅復故有珂羅啜官甚高耆年者爲之謂髮爲索葛故有索葛吐此如州縣官也謂酒爲匍你熱汗故有熱汗賞監察非達釐整班次謂肉爲安禪故有安禪真泥掌家事如國官也有時置附隣可汗隣狼名也取其貪殺爲稱亦有可汗位在葉護下者或有居家大姓相呼爲遺可汗者突厥呼屋爲遺言屋可汗也其後大官有葉護次設特勒次俟

利發次吐屯發餘小官凡二十八等皆世襲焉

西突厥本與北突厥同祖其官有葉護有設特勒嘗以可汗子弟及宗族爲之又有乙斤屈利啜闔漢達額利發吐屯候斤等官世襲其位

奚有五部每部置候斤一人爲其帥其後部有刺史縣有令長其大首領號奚王唐置餘樂府以其王爲都督

南室韋有二十五部有餘莫弗瞞咄猶酋長也北室韋有九部其渠帥號乞引莫賀咄每部有莫何弗三人以貳之

契丹有八部每部皆號大人內推一人為王
 唐末耶律阿保機自稱國王其後乃稱皇帝署中國
 官號國人號機機為天皇王有子三人長人皇王次
 元帥太子劔安端少君渤海國唐中宗時封大祚榮
 為渤海郡王其俗呼其王為可毒大對面為聖王牋
 表呼基下父母老王母曰太妃妻曰貴妃長子曰副
 王諸子曰王子世以大氏為會長

才智

要荒之服蠻夷是居北方之疆世習其俗丹穴之智
 時有其人豈地氣之使然抑天性之斯異或計慮之

惟允或辭辯之可觀懷英果之才申嚴于族類慕華
 夏之德竊覽于典章若能堅柔服之心革忿鷺之性
 奉順王命自異匪人雖欲謂之豺狼其可得乎苟或
 不思革面靡識懷音猾夏之姦雖云暫肆喪元之戮
 必將遙及者矣

戎子駒支

駒支戎子各

魯襄公十四年晉士句

范宣子也

會諸

侯之大夫會于向將執駒支范宣子親數諸朝

行之所在

亦設

朝位曰來姜戎氏昔秦人追逐乃祖吾離于瓜州

四嶽

之後皆姜姓又別為凡

乃祖吾離被不蓋

蓋苦之別名

蒙

荆棘以來歸我先君

蒙見也

我先君惠公有不腆之田

也 曠厚 與女剖分而食之 中分 今諸侯之事我寡君不

如昔者蓋言語漏洩則職女之繇 職主 詰朝之事爾

無與焉 詰朝明旦才使 與將執女對曰昔秦人負恃

其衆貪于土地逐我諸戎惠公蠲其大德 蠲明 謂我

諸戎是四獄之裔胄也 四獄堯時方伯姜姓 毋是翦

弃 翦削 賜我南鄙之用狐狸所居豺狼所嗥我諸戎

除剪其荆棘驅其狐狸豺狼以為先君不侵不叛之

臣至于令不貳 不外叛 昔文公與秦伐鄭秦人躬

與鄭盟而舍戍焉 事在魯禧 於是乎有殺之師 事在魯禧

公三十年 晉禦其上戎亢其下 亢猶 秦師不復我諸戎

實然譬如捕鹿晉人角之諸戎椅之 椅其 與晉踣之

也 踣僵 我何以不免自是以來晉之百役與我諸戎相

繼于時 言給晉于 以從執政猶殺志也 意嘗必殺 豈

敢離邊今官之師旅無乃寔有所闕以攜諸侯而罪

我諸戎我諸戎飲食衣服不與華同贄幣不通言語

不達何惡之能為不與於會亦無膏 膏閔 賦青蠅而

退 青蠅詩小雅取其愷 宣子辭焉使即事於會成愷

悌也 成愷悌不信讒也不書 漢匈奴單于冒頓既立時東胡強迺使使謂冒頓曰

欲得頭曼時號千里馬 頭曼即冒頓父 冒頓問群臣

也 曼音莫安切

皆曰此匈奴寶馬也勿子

讀曰與

冒頓曰奈何與人鄰

國愛一馬乎遂與之頃之東胡以為冒頓畏之使謂

冒頓曰欲得單于一闕氏

闕氏匈奴皇后號也闕音於連功民音支

冒頓

復問左右左右皆曰東胡無道迺求闕氏請擊之冒

頓曰奈何與人鄰國愛一女子乎遂取所愛闕氏子

東胡東胡王愈驕西侵與匈奴中間棄地莫居千餘

里各居其邊為甌脫

甌音一候切脫音士活切境上候望之處若今之伏宿舍也

東胡使使謂冒頓曰匈奴與我界甌脫外棄地匈奴

不能至也吾欲有之冒頓問群臣或曰此棄地與之

於是冒頓斬之冒頓上馬令國中有後者斬遂東襲

擊東胡東胡初輕冒頓不為備及冒頓以兵至大破

滅東胡王虜其民衆畜產而歸

後漢烏丸大人蹋頓多畫計策

鮮卑軻比能本小種鮮卑以勇健斷法平端不貪財

物衆推以為大人部落近塞自袁紹據河北中國人

多亡叛歸之教作兵器鎡楯頗學文字故其勒御部

衆擬則中國出入弋獵建立旌麾以鼓節為進退

晉吐谷渾視罷性英果有雄畧嘗從容謂博士金城

騫苞曰易云動靜有嘗剛柔斷矣先王以仁宰世不

任威刑所以剛柔摩斷取輕鄰敵當仁不讓豈宜拱

默者乎今將秣馬厲兵爭衡中國先生以爲何如苞
曰大王之言高世之畧秦隴英豪所願聞也於是虛
襟撫納衆赴如歸

吐谷渾葉延長而沉毅好問天地造化帝皇年曆司
馬薄落鄰曰臣等不學實未審三皇何父之子五帝
誰母所生延曰自羲皇以來符命玄象昭言著見卿
等面牆何其鄙哉語曰夏蟲不知冬冰良不虛今又
曰禮云公孫之子得以王父字爲氏吾祖始自昌黍
光宅於此今以吐谷渾爲氏尊祖之義也

後魏迴紇菩薩善籌策以少制衆嘗以戰陣射獵爲
務其母烏羅渾主知諍訟之事平決嚴明部內齊肅
唐馮盎高州良德人代爲本郡大首領隋開皇中潮
成五州獠叛盎馳至京請討之文帝勅左僕射楊素
與盎論賊形勢素驚曰不意蠻夷中有此人大奇武
德中授高州總管累封國公盎勤於簿領詰摘姦伏
甚得人情

新羅王眞德以高宗永徽元年織錦作五言太平頌
以獻之其詞曰大唐開洪業巍巍皇猷昌止戈戎衣
定修文繼百王統天崇兩施利物體含章深仁諧日
月撫運邁時康幡旗何赫赫鈺鼓何鏗鏗外夷違命

者剪覆被天殃淳風凝幽顯遐邇競呈祥四時和玉燭七曜巡萬方維嶽降宰輔維帝任忠良五三成一德昭我唐家唐帝嘉焉

仲琮爲吐蕃大臣咸亨三年吐蕃遣仲琮來朝先是仲琮年少時嘗充質入朝詣太學生例讀書頗曉文字至是帝召入賜宴甚優禮之問曰汝國贊府孰與其祖爲賢對曰雄勇果斷不及其祖然勤於聽理下不敢欺亦令主也但吐蕃土風寒苦物產貧薄所部邏婆川唯有楊柳人以爲資更無草木鳥海之南盛夏積雪冬則羊裘數重暑月猶衣裘褐贊府春夏每

隨水草秋冬始入城隍但施廬帳又無屋宇文物器用豈當中夏萬分之一但其國法嚴整上下齊力議事則自下而起因人所利而行之斯所以能持久也帝曰吐蕃與吐渾本是甥舅之國素和貴叛主奔走吐蕃納之信其間隔侵逼渾國招其叛士奪其土地我遣薛仁貴等安輯慕容之衆吐蕃掩其不備伏甲擊破之旣又寇逼涼州欲陷城堡其故何也對曰臣受命貢獻而已攻戰之事非臣所得預聞也帝厚賜而遣之

薛贊婆爲吐蕃首領其父祿東贊領解兵術吐蕃贊

府以國事委之講兵訓師雅有節制吐蕃之并兼諸
羌雄霸本土東贄有力焉東贄有子五人長曰贄悉
若次欽陸次贄婆次每多千次敷論東贄死欽陵兄
弟後專其國欽陵每多居中諸弟分提方面贄婆則
專在東境與中國爲鄰三十餘年嘗爲邊患其兄弟
皆有才畧諸蕃憚之

突厥毗伽可汗小殺開元中謀欲南入爲寇其謀主
燉欲谷曰唐主英武人和年豐未有間隙不可動也
且休息我衆觀變而舉小殺又欲修築城壁造立寺
觀燉欲谷曰不可突厥人戶寡少不敵唐家百分之

一分所以嘗能抗拒者正以隨逐水草居處無嘗射
獵爲業人皆習武強則進兵抄掠退則竄伏山林唐
兵雖多無所施用若築城而居改變舊俗一朝失利
必將爲唐所併且寺觀之法教人以弱本非用武爭
強之道不可置也小殺等浮然其計八年冬御史大
夫王峻爲朔方大總管奏請西徵拔悉密東發奚契
丹兩蕃剋期掩突厥衙帳於稽落河上小殺聞之大
恐燉欲谷曰拔悉密今在北庭與兩蕃東西相去極
遠勢必不合王峻兵馬計亦無能至此必若能來候
其臨到卽移衙帳向北三日唐兵糧盡自然去矣且

拔悉密輕而好利聞命必是先來王駿與張嘉貞不
叶奏請有司不愜必不敢動若駿兵馬不來拔悉密
獨至突厥欲擊之噶欲谷曰此衆去國千里必將死
戰未可也不如以兵躡之去北庭二百里噶欲谷分
兵間道先掩北庭因縱兵擊拔悉密之還衆遂散走
投北庭而城陷不得入畫爲突厥所擒并虜其男女
而還噶欲谷迴兵因出赤亭以掠涼州牛馬涼州都
督楊敬述爲噶欲谷所敗小殺繇是大振畫有黠發
之衆

南詔異牟尋頗知書有才智善撫其衆

賢行

夫天生蒸民夷夏雖異而所稟之性或善或惡復何
殊哉故仲尼稱有教無類蓋謂是矣若乃篤仁孝之
道敦愛敬之風感緊以報仇謙退而行讓或崇其信
誓或守之端慤或殉葬以見志或憂國以殞命或俯
從忠讜之諫或力行博施之義自餘從容知禮寬厚
得衆者抑又其次焉咸著之篇以示於後

西羌東吾湏吾子也湏吾後漢明帝永平中降漢東
吾立以父降漢乃入居塞內謹愿自守百濟其先夫
餘王東明之後有仇台篤於仁信始立國於帶方

高驪王名宮將叛於魏其臣句驪沛者各得來數諫
宮宮不從其言得來歎曰立見此地將生蓬蒿遂不
食而死舉國賢之

吐谷渾辟奚性仁厚慈惠三弟皆專恣長史鍾惡地
恐爲國害謂司馬乞宿雲曰昔鄭莊公秦昭王以一
弟之寵宗祀幾傾况今三孽並驕必爲社稷之患吾
與公奈當元輔若獲保首領以沒于地先君有問其
將何辭吾今誅之矣宿雲請白辟奚惡地曰吾王無
斷不可以告於是因群下入覲遂執三弟而誅之辟
奚自投於棘惡地等奔而扶之曰臣昨夢先王告臣

云三弟將爲逆亂汝速除之臣謹奉先王之命矣辟
奚素友愛因恍惚成疾謂世子視連曰吾禍滅罔生
何以見之於地下國事大小汝宜攝之吾餘年殘命
寄食而已遂以憂卒視連幼廉慎有志性視連旣立
以父憂卒不知政事不飲酒遊畋七年矣鍾惡地進
曰夫人君者以德御世以威齊衆養以五味娛以聲
色此四者聖帝明王之所先而公皆畧之昔昭公儉
嗇而喪偃王仁義而亡然則仁義所以存身亦所以
亡已經國者德禮也流也者刑法也二者或差則綱
維失緒明公奕葉重光恩結西夏雖仁孝發於天然

猶宜憲章周孔不可獨追徐偃之仁德委而不逮視
連泣曰先王道友于之痛悲憤升遐孤雖纂荼尸存
而已聲色遊娛豈所安也綱維刑禮付之將來臨終
謂其子視羆曰我高祖吐谷渾公嘗言子孫必有興
者永爲中國之西藩慶流百世吾已不及汝亦不見
當在汝之子孫輩爾

苻延年十歲其父吐延爲羌酋姜聰所害每旦縛草
爲姜聰之象哭而射之中之則號泣不中則瞑日大
呼其母謂曰姜聰諸將已屠膾之矣汝何爲如此葉
延泣曰誠知射草人不益於先讐以申罔極之志耳
性至孝母病五日不食葉延亦不食

焉耆國王龍安夫人獵胡之女媼身十二月剖脅生
子曰會立之爲世子會少而勇傑安病篤謂會曰我
嘗爲龜茲王白山所辱不忌於心汝能雪之乃吾子
也及會立襲滅白山遂據其國

叱干阿利叱干部他斗伏兄子也赫連勃勃父衛辰
爲後魏殺之勃勃奔于叱干部叱干他斗伏送勃勃
於魏阿利先戍大落川聞將送勃勃馳諫曰鳥雀授
人尚宜濟免况勃勃國破家亡歸命於我縱不能容
猶宜任其所奔今執而送之浮非仁者之舉他斗伏

爲拓設分部落以統之及處羅卒毀齊三載在位十年無所課斂或鄙其所爲不能富貴社爾曰部落旣豐於我便足有識者稱之叔父頡利黠於用武社爾屢諫不從乃辭頡利歸於所部

百濟王義慈事親以行聞友于兄弟時人號爲海東魯閔

突厥苾伽可汗開元二十一年遣其大臣葛阿默察之來朝獻馬五十匹謝恩也初苾伽之弟闕特勒死苾伽表請巧匠寫其真詔遣畫工六人往焉旣畫工妙絕倫突厥國內未之見者苾伽每觀畫處歔歛如

弟每生悲涕不自勝故遣察之謝恩且送畫人也

尉遲勝于闐質子也廣德中以勝爲毗沙府都督于闐王令還國勝固請留宿衛加開府儀同三司封武都王實封百戶勝請以本國王弟曜詔從之勝乃於京師修行里盛飾林亭以待賓客好事者多訪之建中末從幸奉天爲兼御史中丞帝在興元勝爲右領軍將軍俄遷右威衛大將軍歷睦王傳貞元初擢遣使上疏稱有國已來代嫡承嗣兄勝旣讓國請立勝子銳帝乃以銳爲簡較光祿卿兼毗沙府長史還國勝固辭且言曰曜久行國事人皆悅服銳生於京華

賢行
不習國俗不可遣往因授韶王諮議兄弟讓國人多
稱之

冊府元龜

淮南李嗣京參閱

西極文翔鳳訂正

豫章黃國琦較釋

外臣部

八

封冊第一

中國之於夷狄羈縻而已若乃殊鄰絕黨之國欽風
慕化而至琛賚維旅鞮譯以通解辯而習賓儀保塞
而請內屬繇是推懷柔之道開撫納之意優其禮遇
厚其賜予以篤其好而厭其心焉漢氏之後乃復加

以戾王之號申之封拜之寵備物典冊以極其名數
持節封建以震乎威靈至於告終稱嗣撫封世及必
俟文告之命乃定君臣之位自非人君之慎德大邦
之敦信皇明遐燭而無間仁風溥暢而昏泊又曷能
革彼橫悍被之聲教使其奉王畧而為外臣者哉

漢高祖十一年五月詔曰粵人之俗好相攻擊前時
秦徙中縣之民南方三郡中縣之民中國縣民也秦
始皇畧取疆梁地以為桂
林象郡南梁
郡故曰三郡使與百粵雜處欲以介其間使
不相攻擊也會天下
誅秦南海尉它居南方長治之它音徒河切南海尉
之名也姓趙長治謂
為之長帥而
希理之也甚有文理中縣人以故不耗臧粵人相

攻擊之俗益止俱賴其力今立它為南粵王使陸賈

卽授璽綬卽就也就其
所君而立之

武帝元鼎六年平西南夷夜郎侯入朝帝以為夜郎

王

元封二年滇王離西夷滇音
顛舉國降以為益州郡賜

滇王王印復長其民為之
長帥西南夷君長以百數獨夜

郎滇王受王印

昭帝始元六年大破益州夷詔曰鈞町侯亡波鈞音
勛町

音挺亡與無同西南
夷也亡波其名也率其君長人民擊反者斬捕首

虜有功其立亡波為鈞町王

元風四年平樂監傅介子既殺樓蘭王漢乃立樓蘭王先降漢者弟尉屠耆為王更名其國為鄯善為割

印章 餘具外臣 保異門

後漢光武建武五年莎車國王康率傍國拒匈奴擁衛都護檄書河西問中國動靜自陳思慕漢家河西大將軍竇融乃承制立康為漢莎車建功懷德王西城大都尉

八年高句驪侯遣使朝貢先是王莽更名高句驪侯於是貊人寇邊愈甚至遣使朝貢帝復其王號

十一年武都氏人背公孫述降漢隴西太守馬援上復其王侯君長賜以印綬

十二年九真徼外蠻里張游 里蠻之別號 今呼為俚人 率種人慕

化內屬封為歸漢里君

十三年廣漢塞外白馬羗豪樓登等率種人五千餘戶內屬帝封樓登為歸義君長

十四年邛穀王長貴 一云任貴 遣使上三年計即授越雋

太守印綬初王莽時邛人長貴自立為邛穀王領越雋太守又降於公孫述述敗帝封為邛穀王

十七年莎車王賢遣使奉獻請都護天子以問大司空竇融以為賢父子兄弟相約事漢款誠又至 臣欽 若等

曰蒞車王延嘗勅諸子當世時漢家不可負也延死子康代立康死弟賢代立故云父子兄弟相約事漢也宜加號位以鎮安之帝乃因其使賜賢西域都護

印綬及車旗黃金錦繡

燉煌太守裴遵上言夷狄不可假以大權又令諸國失望

詔書收還都護印綬更賜賢以漢大將軍印綬其使不肯易隨追奪之賢錄是始恨而猶許稱大都督

二十年東韓國人廉斯人蘇馬謨等詣樂浪貢獻帝

封蘇馬謨為漢廉斯邑君所屬樂浪郡四時朝謁

二十五年遼西烏桓大人郝且等率眾內屬封其渠

帥為侯王君長者八十一人

二十七年哀牢王賢栗等率種人詣越雋太守鄭鴻

降求內屬帝封賢栗等為君長

三十年鮮卑大人於仇賁滿頭等率種人詣闕朝貢

封於仇賁為王滿頭為侯

章帝建初二年昆明夷鹵承率種人與諸郡兵擊哀

牢王類牢於博南斬之傳首雒陽封鹵承為破虜傍

邑侯

和帝永元三年大將軍竇憲上書立北匈奴右谷蠡

王於除鞬為單于明年遣耿夔即授璽綬賜玉劔四

具羽蓋一駟使中郎將任尚持節衛護屯伊吾如南

單于故事

六年蜀郡徼外大群夷種羗豪造頭等率種人五十

餘萬口內屬拜造頭爲邑君長賜印綬

安帝永初元年鮮卑大人燕荔陽入朝帝賜鮮卑王

印綬赤車參駕令止烏桓較尉所居寧城下

二年青衣道夷邑長令田

令姓田名

舉土內屬帝增令田

爵號爲奉通邑君

元初二年先零羌號多等率衆七千餘人詣漢陽太

守寵參降遣詣闕賜號多侯印綬遣之

三年度遼將軍鄧遵率南匈奴左鹿蠡王湏沈擊湏

王零昌於靈州

縣名屬北地郡

斬首八百餘級封湏沈爲破

虜侯金印紫綬

四年春中郎將任尚遣當闐種羌槐鬼等五人刺殺

叛羌杜季貢封槐鬼爲羌侯秋任尚復募效功種號

封刺殺零昌封號封爲羌王五年度遼將軍鄧遵募

上郡全無種羌雕何等刺殺叛羌狼莫賜雕何爲羌

侯

永寧元年遼鮮卑大人烏倫其至鞬衆詣度遼將軍

鄧遵降奉貢獻詔封烏倫爲率衆王其至鞬爲率衆

侯是年禪國王

禪音檀

雍繇調遣使獻樂明年元會安

帝作樂於庭封雍繇調爲漢大都尉賜印綬

順帝永建二年烏桓都尉戎朱麗率將王侯咄歸去

延等從烏桓較尉耿曄擊鮮卑有功還皆拜爲率衆王

漢安二年立南匈奴守義王兜樓爲南單于獻帝建安四年烏丸三王助大將軍袁紹擊破遼東公孫瓚紹遣使卽拜爲單于皆安居華蓋羽覆黃屋左纛版文曰使持節大將軍督幽青并領冀州牧部卿侯紹承制詔遼東屬國率衆王頒下烏丸遼西率衆王蹋頓右北平率衆王汗盧維乃祖慕義遷善款塞內附北捍獯紈東拒濊貊世守北陲爲百姓保鄣雖時侵犯王畧命將徂征厥罪率不旋時悔愆變改方之外

夷最又聰慧者也始有千夫長百夫長以相統領用能慮乃心力克有勲於國家稍受王侯之命自我王室多故公孫瓚作難殘夷厥土之君以侮天慢主是以四海之內並執干戈以衛社稷三王奮氣裔土忿姦憂國控弦與漢兵馬表裏誠甚忠孝朝所嘉焉然而虎兕長蛇相隨塞路王官爵命否而無聞夫有勲不賞俾勤者怠今遣行謁者楊休齋單于璽綬車服以封爾勞其各綏靜部落教以謹慎無使作凶作慝世復爾祀位長爲百蠻長厥有咎有不臧者泯於爾祿而喪於乃庸可不勉乎烏丸單于都護部衆左右

單于受其節度他如故事

魏文帝漢延康元年鮮卑素利彌加遣使獻馬封加

為歸義王

先是漢獻帝建安中鮮卑素利彌加厥機因較尉固柔上貢獻通市太祖皆表寵以

為王厥機死又亡其子沙末汗為親漢王至是表利彌加各遣使獻馬故有是命

黃初元年更授匈奴南單于呼厨泉魏璽綬賜青蓋

乘輿寶劍玉珎是年鮮卑步度根遣使獻馬帝拜為

王

明帝太和三年大月氏王波調遣使奉獻以調為親

魏大月氏

景初元年幽州刺史母丘儉討遼東是時左北平烏

丸單于寇婁敦遼西烏丸都督率眾王護留栗聞儉

軍至率眾五千餘人降寇婁敦遣弟阿羅獎等詣關

朝貢封其渠帥三十餘人為王

二年六月倭王遣大夫難升米等詣帶方郡求詣天

子朝獻時太守劉夏遣吏將送詣京都其年十二月

詔書報倭女王曰制詔親魏倭王卑彌呼帶方太守

劉夏遣使送汝大夫難升米次使都示牛利奉汝所

獻男生口四人女生口六人班布二疋二丈以到汝

所在踰遠乃遣使貢獻是汝之忠孝我甚哀汝今以

汝為親魏倭王假金印紫綬裝封付帶方太守假授

汝其緩撫種人勉爲孝順汝來使難升米牛利涉遠
道路勤勞今以難升米爲率善中郎將牛利爲率善
較尉假銀印青綬引見勞賜進還今以絳地交龍錦
五疋絳地縐粟蜀十張菑絳五十疋紺青五十疋答
汝所獻貢直又特賜汝紺地句文錦三疋細斑華蜀
五張白絹五十疋金八兩五尺刀二口銅鏡百枚眞
珠鉛丹各五十斤皆裝封付難升米牛利還到錄受
悉可示汝國中人使知國家哀汝故鄭重賜汝好物
也

是年遣帶方太守劉昕樂浪太守鮮于嗣越海定二
郡諸韓國臣智加賜邑君印綬其次與邑長

齊王正始元年帶方太守弓遵遣建中較尉梯儁等
奉詔書印綬詣倭國拜假倭王並齎詔賜金帛錦蜀
刀鏡絲物倭王因使上表答謝詔恩

八年濊貊不耐侯詣關朝貢詔更封不耐濊王
晉武帝大康六年大宛獻汗血馬帝遣使楊顯拜其
王藍瘦爲大宛王

懷帝卽位初以鮮卑務勿塵爲大單于司空領烏丸
較尉王凌又表封務勿塵遼西郡公其別部大飄滑
及其弟渴末別部大屠瓮等皆爲親晉王

簡文帝成安二年正月百濟王遣使貢方物六月遣使拜百濟王餘句為鎮東將軍領樂浪太守

孝武帝太元十一年以百濟王世子餘暉為使持節都督鎮平將軍百濟王

安帝隆安三年仇池氏楊盛遣使稱藩奉獻方物帝以盛為仇池公楊氏世居隴右漢末徙居仇池地方百頃因以百頃為號有名千萬者魏拜為百頃王其孫難敵稱藩於晉以為仇池公後孫纂立便詣簡文自陳後以纂為平羗較尉秦州刺史仇池公纂支庶定稱藩於孝武帝盛即定之兄也至是稱藩奉獻故

復命之桓玄輔政進盛西戎較尉

義熙九年高麗國王高璉

一作高連

遣長史高翼奉表獻

赭白馬以璉為高麗王樂浪郡公

十二年以百濟王映為使持節都督百濟諸軍事鎮東將軍百濟王

宋高祖永初元年百濟王餘映進號鎮東大將軍

二年林邑王范陽邁遣使貢獻即加除授以陽邁為林邑王

三年封仇池公楊斌為武都王

文帝元嘉二年十一月以武都王世子楊玄為秦州

刺史襲封武都王

是年倭國王倭讚遣使奉表獻方物表曰封國偏遠作藩于外自昔祖父躬擐甲胄跋涉山川不遑寧處東征毛人五十五國西服衆夷六十六國渡平海北九十五國王道融泰廓土遐畿累業朝宗不讐于歲臣雖下愚忝紹先緒驅率所統歸崇天極詔除督倭新羅任那加羅秦朝韓六國安東大將軍倭王七年正月以吐谷渾慕瓚爲征西將軍沙州刺史慕瓚遼東鮮卑也兄阿豺晉木譙縱之亂遣使上表獻方物詔爲安西將軍沙州刺史澆河公阿豺死慕瓚

立奉表故有是命

六月以仇池氏冠軍將軍楊難當爲北秦州刺史封武都王

是年百濟王餘毗復修職貢以餘映爵號授之

九年六月以征西將軍沙州刺史吐谷渾慕瓚爲征西大將軍西秦河二州刺史隴西王北秦州刺史楊難當加號征西大將軍

十二年正月封黃龍國王馮弘爲燕王

十五年二月以平東將軍吐谷渾慕延爲鎮西將軍西秦河二州刺史

四月以倭國王埒爲安東將軍

十六年六月改封隴西王吐谷渾慕延爲河南王

二十年倭國王濟遣使奉獻復以爲安東將軍倭國王

二十六年六月婆皇國王舍利婆羅跋摩遣使獻方物四十一種策命爲婆皇國王

是月婆達國王舍利不陵伽跋摩遣使獻方物策婆達國王詔曰阿羅單婆達三國頻越遐海款化納貢遠誠宜甄可並加除授乃遣使策命之

二十八年七月安東將軍倭王濟進號安東大將軍

二十九年九月以平西將軍吐谷渾拾寅爲安西將軍西秦河二州刺史

孝武即位初安西將軍西秦河二州刺史吐谷渾拾寅進號鎮西大將軍開府儀同三司

大明元年十月以百濟王餘慶爲鎮東大將軍

五年正月以宕昌國王梁唐子爲河州刺史

六年三月以倭國王世子興爲安東將軍倭國王

七年六月高麗王高璉進號車騎大將軍開府儀同三司

明帝泰始三年十月鎮西大將軍西秦河二州刺史

河南王吐谷渾拾寅進號征西大將軍

後廢帝元徽三年九月征西大將河南王吐谷渾拾寅進號車騎大將軍

四年五月以仇池氏寧朔將軍武都王楊文度爲北秦州刺史

十月以宕昌王梁彌機爲安西將軍河涼二州刺史順帝昇明元年十二月寧朔將軍北秦州刺史武都王楊文度進號征西將軍

一年五月倭國土武遣使獻方物以武爲安東大將軍又封西陽蠻梅生爲高山侯田治生爲威生侯梅

加羊爲杆山侯

六月以輔國將軍楊文弘爲北秦州刺史封武都王南齊太祖建元元年五月詔使持節散騎嘗侍都督秦河沙三州諸軍開府儀同三司領護羗較尉西秦河二州刺史河南王吐谷渾拾寅進號驃騎大將軍使持節都督河涼二州安西將軍東羗較尉河涼二州刺史隴西公宕昌王梁彌機進號鎮西將軍征虜將軍西涼州刺史羗王像舒彭進號持節平西將軍又詔曰昔絕國入贄美稱前冊殊俗內款聲流往記虜茹盧鎮主陰平公楊廣香怨結同族蒙起親黨在

宋之世遂舉地降敵茄盧失守華陽暫驚近單使先
 馳宣揚皇威廣香等追其遠世之誠仰我維新之化
 肉袒請附復地千里氏羗雜種咸回歸款宜特領納
 厚加優卹廣香翻迷反正可特量所授部曲酋豪隨
 名酬賞以廣香為都督沙州諸軍事平羗較尉沙州
 刺史又詔新除使持節都督倭新羅任那加羅秦韓
 六國諸軍事安東大將軍倭王武進號為鎮東大將
 軍是時加羅國王荷知使來獻詔曰量廣始登遠夷
 洽化加羅王荷知欵闕海外奉贊東遐可授輔國將
 軍本國王

二年三月百濟王牟都遣使貢獻詔曰寶命惟新漢
 波絕域牟都世藩東表守職遐外可即授使持節都
 督百濟諸軍事鎮東大將軍又以氏楊後起為秦州
 刺史
 四月使持節散騎嘗侍都督營平二州諸軍事車騎
 大將軍開府儀同三司樂浪公高麗王高璉進號驃
 騎大將軍
 武帝永明元年二月以征虜將軍楊炤為沙州刺史
 封陰平王又詔前使持節都督河涼二州軍事鎮西
 將軍東羗較尉河涼二州刺史隴西公宕昌王梁彌

機前使持節平北將軍西涼州刺史羗王像奇彭並
著勒西垂安寧邊境可復先官爵
是年以隴右都帥羗王劉維羊為輔國將軍又進秦
州刺史楊後起號冠軍將軍

二年八月秦州刺史楊後起勤彰款塞忠著邊城進
號征虜將軍

三年六月以河南王拾寅世子吐谷渾易度侯為使
持節都督西秦河洮三州諸軍事鎮西將軍領護羗
較尉西秦河二州刺史河南王又詔曰易度侯守職
西蕃綏懷允緝忠績兼舉朕有嘉焉可進號車騎大

將軍

八月詔曰行宕昌王梁彌頡

一作類

忠款內附著績西

服宜加爵命式臨藩屏可使持節都督河涼二州諸
軍事安西將軍東元較尉河涼二州刺史隴西公宕
昌王

四年閏正月秦州刺史楊後起卒詔曰後起奄至殞
逝愴惻于懷綏禦邊服宜詳其選行輔國將軍北秦
州刺史武都王楊集始幹局沉亮乃心忠款必能緝
境寧民宣揚聲教可持節輔國將軍北秦州刺史平
羗較尉武都王

六年五月以行宕昌王梁彌承爲使持節都督河涼二州諸軍事安西將軍東羌較尉河涼二州刺史是年除都督護北遂安左郡太守田駟路爲試守郡太守皆郢州蠻也

八年正月百濟王牟太遣使上表遣謁者僕射孫副策命太龍亡祖父牟都爲百濟王曰於戲惟爾世襲忠勤誠著遐表海路肅澄要貢無替式循彝典用纂顯命徃欽哉其敬膺休業可不慎歟詔行都督百濟諸軍事鎮東大將軍百濟王令以世襲祖父牟都爲百濟王卽位章綬等王銅虎竹符曰其拜受不亦休

乎

是年以河南王吐谷渾休留代爲使持節都督西秦河沙三州鎮西將軍護羌較尉西秦河二州刺史九年五月林邑夷人范當根純攻奪其國自立遣使貢獻金篋等物詔曰林邑雖分在遐外世服正化當根純乃誠款到率其僚職遠績克宣良有可嘉宜沾爵號以弘休澤可持節都督緣海諸軍事安南將軍是年八座奏陰平王楊炤嗣勣西收馳款內炤宜增戎章用輝遐外進號前將軍

十年以林邑王子孫范諸農率種人攻范當根純復

得本國以諸農爲持節都督緣海諸軍事安南將軍
林邑王

鬱林王臨昌元年以高麗王樂浪公高雲爲使持節
散騎嘗侍都督營平二州諸軍事征東大將軍

明帝建武二年七月以氏楊馥之爲北秦州刺史仇
池公

是年林邑王諸農進號鎮國將軍

梁高祖天監三年五月扶南國王遣使送珊瑚佛像
并獻方物詔曰扶南王橋陳如閩邪跋摩介居海表
世纂南服厥誠遠著重譯獻賾宜蒙酬納班以榮號

可安南將軍

九月以河南王世子伏連籌爲鎮西將軍西秦河二
州太守河南王

四年四月以宕昌國王梁彌博爲使持節都督河涼
二州諸軍事安西將軍東羌較尉河涼二州刺史隴
西公宕昌王佩以金印

七年二月詔曰高麗樂浪郡公高雲乃誠款著貢驛
相尋宜隆秩命式弘朝典可撫東大將軍開府儀同
三司持節嘗侍都督王並如故

九年四月林邑國奉獻白猴詔曰林邑國王范天凱

介在海表乃心欵至遠修職貢良有可嘉宜班爵號
被以榮澤可持節都督綠海諸軍威南將軍林邑王
普通元年二月以高麗王世子安為寧東將軍都督
營平二州諸軍事襲爵高麗王

二年十二月詔曰行都督百濟諸軍事鎮東大將軍
百濟王餘隆守藩海外遠修貢職廼誠欵到朕有嘉
焉宜率舊章服茲榮命可持節都督百濟諸軍事寧
東大將軍百濟王

五年詔以百濟王餘隆子明為持節百濟諸軍事綏
東將軍百濟王

七年三月高麗王安庶子延立使遣貢獻詔以延襲
爵

六月林邑王高式勝鎧遣使獻方物詔以為持節都
督綠海諸軍事綏南將軍林邑王

中大通元年三月以河南王伏連着子呵羅真為寧
西將軍獲羗較尉西秦河二州刺史

一云西秦河
沙三州刺史

二年四月以河南王佛輔為寧西將軍西秦河二州
刺史

六月行林邑王高式律陀羅跋摩貢獻詔以為持節
都督綠海諸軍事綏南將軍林邑王

大同七年二月行宕昌王梁彌秦為西平將軍河梁二州刺史宕昌王

太清二年三月高麗王延卒詔以其子為寧東將軍襲延爵位陳文帝天嘉三年閏二月以百濟王餘明為撫東大將軍高句麗王高湯為寧東將軍

後魏道武登國初以爾朱羽健為領民酋長率契胡武士千七百人徙駕平晉陽定中山論功拜散騎嘗侍以居秀容川詔割方三百里封之長世為業

天興初仇池氏楊盛遣使朝貢詔以盛為征南大將軍仇池王

太武始光四年十一月以氏王楊玄為都督荆梁益寧四州諸軍事假征南大將軍梁州刺史南秦王

延和二年九月詔兼大鴻臚卿崔頤持節拜征虜將軍楊難當為征南大將軍儀同三司封南秦王

太和三年九月遣使者拜西秦王慕瓚弟慕利延為鎮西大將軍儀同三司改封西平王

是時使負外散騎侍郎李教拜高麗王高連為都督遼海諸軍事征東將軍領東人中郡將遼東碑公高句麗正史闕年月

五年三月以故南秦王世子楊保宗為征南大將軍秦州牧武都王

太平真君二年三月封蠕蠕都久間乞歸為朔方王

五年六月西平王吐谷渾慕利延殺其兄子緯代立弟叱力延等來奔乞師以叱力延爲歸義王

正平元年伊吾王唐和閔帝優寵之文成卽位以和歸誠先朝拜鎮南將軍酒泉公

孝文延興二年正月太陽蠻首桓誕率戶內屬拜征南將軍襄陽王

太和二年三月遣鴻臚卿劉歸謂者張察拜河南公梁彌機爲征南大將軍西戎較尉梁益二州牧河南公宕昌王

六年九月以氐楊後起爲武都王

九年七月遣使拜宕昌王梁彌機兄子彌承爲國王十六年三月以高麗王高璉孫雲爲其國王賜衣冠服物車旗之飾

十七年正月以吐谷渾伏連籌爲其國王

宣武景明四年十一月以武興國世子楊紹先爲其國王

正治二年正月宕昌王世子梁彌博爲其國王

承平二年八月以鄧至國世子像覽蹄爲其國王

孝明神龜元年正月詔以氐楊定爲陰平王

二年高麗王高雲死以世子安爲其國王拜鎮東將

軍領護東夷較尉遼東郡公

正光元年九月蠕蠕王阿那懷來奔十一月詔曰蠕蠕世雄朔方擅制漢表隣通上國百有餘載自神鼎南底累紀于茲虔貢雖遠邊燧靜息憑心象魏潛款彌純今其主阿那瓌屬離時難邦分親析萬里遠馳庇命有道同悲用申乖忤忠孝足務方存典臧之師以隆紹絕之舉宜且優以賓禮期之立功疏爵胙土大啓河岳可封朔方郡開國公蠕蠕王食邑一千戶錫以衣冕加以輅車祿恤儀衛同乎戚藩十二月送歸北三年四月以高車王覆羅伊訶為鎮西將軍西海郡

開國公高車王

孝莊建義元年六月以高昌王世子光為平西將軍瓜州刺史襲爵秦臨縣開國伯高昌王

前廢帝普泰元年高昌王趙堅遣使朝貢除平西將軍瓜州刺史秦臨縣伯王如故尋加衛將軍

東魏孝靜天平中加高句麗王高延侍中車騎大將軍

典和二年四月阿至羅國王副伏羅越君子去賓來降封為高車王

西魏孝武永熙元年高句麗王延為使持節散騎嘗

侍車騎將軍領護東夷較尉遼東郡公高句麗王

二年以衛將軍瓜州刺史秦臨縣伯高昌王趙堅爲

儀同三司進爵郡公

文帝大統五年蔡陽蠻王曹超明內屬授南雍州刺

史仍世襲焉

十四年以高昌王世子玄嘉爲王

廢帝元年蠻酋焚舍舉落內附以爲淮北三州諸軍
事淮州刺史淮安郡公

恭帝二年蠻酋宜人王母田興彥款附以爲開府儀
同三司

北齊文宣天保元年九月以散騎省侍車騎將軍領

東夷較尉遼東郡開國公高麗王威爲使持節侍中

驃騎大將軍領護東夷較尉王公如故

廢帝乾明元年二月以高麗王世子高湯爲使持節

領東夷較尉遼東郡公高麗王

武成河清四年二月詔以新羅國王金真興爲使持

節領東夷較尉樂浪郡公新羅王

後主武平元年二月以百濟王餘昌爲使持節侍中

驃騎大將軍帶方郡公王如故

二年正月以百濟王餘昌爲使持節都督東青州刺

史

後周武帝建德六年高麗王高湯遣使來貢

一作高湯拜

湯爲上開府儀同大將軍遼東郡開國公遼東王

隋高祖開皇元年十月百濟王扶餘昌遣使來賀授

昌上開府儀同三司帶方郡公

十二月高麗王高湯遣使朝貢授湯大將軍遼東郡

公

四年五月契丹王莫賀弗遣使請降拜大將軍

五年党項拓拔寧叢等各率所部詣旭川內附授大

將軍其部下各有差

其世

十年七月高麗遼東郡公高湯卒拜其子元爲上開

府儀同三司襲爵遼東郡公賜衣一襲元奉表謝恩

并賀祥瑞因請封王高祖優詔策元爲王

十四年新羅國王眞平遣使貢方物拜眞平爲上開

府樂浪郡公新羅王

十九年四月突厥利可汗內附以爲啓可汗

煬帝大業五年高昌王麴伯雅來朝拜左光祿大夫

車師太守封奔國公

